



## Ornittakkani/kialaarfinni/angerlarsimaffeqangitsunut unnuisarfinni sulisunut namminerlu kajumissutsimik sulisunut paasissutissat

### Sulisunut innuttaasunik angerlarsimaffeqangitsunik sullissisunut siunnersuutitsialaat

Innuttaasunut angerlarsimaffeqangitsunut ullinnaat coronamik tunillaassuuffiusut immikkut unammillernarsinnaapput. Illit sulisutut qanoq ikiuussinnaanerit pillugu tullinguuttumi atuarsinnaavutit.

### Eqqummaarinnerugit ujartuinerugillu

Innuttaasut immikkut ittumik aarlerinartorsiortut namminneq peqqissutsiminni allannguutinik malussarnissamut allanullu oqaluttuarinissaannut ajornakusoortitsisinnaapput. Taamaattumik ileqqorisassatut maleruagassat innersuussutigineqartut malingikkaluarlugit COVID-19-imik ersiuteqarsinnaapput.

Taamaattumik innuttaasunut angerlarsimaffeqangitsunut unnuisarfinni najugalinnut imaluunniit ornittakkaniittartunut tunngatillugu, sulisut ersiutinik nakkutiginnilluarnissaat ajornangippallu innuttaasup peqqinnissaqarfimmu sianernissaanik ikiornissaa kiisalu tuniluunnerup siaruanginnissaa pinaveersaartinniarlugu innuttaasup sapinngisamik mattusimatinnissaa pingaaruteqarpoq.

### Ersiutit

Ersiutit nalinginnaanerpaat tassaapput:

- Quersorneq
- Kissarneqarneq
- Qasoqqaneq
- Toqqusaarlunneq
- Nukitsigut anniarneq
- Kakkilertaneq
- Anersaartornermi ajornartorsiorneq
- Timminneq

Innuttaasunut angerlarsimaffeqangitsunut pingaaruteqarpoq sulisunit ataavartumik attaveqarfigineqartarnissaat. Attaveqarnermik suliniutitigut innuttaasoq tunillatseratarsinnaanerani pisarialimmik ikiorneqarnissaa qulakkeerneqassaaq.

### Siunnersuutitsialaat uku atorlugit ikiuisinnaavutit:

#### 1. Inniminnigit – eqqiluisaarnermut eqqummaarigit

Innuttaasut angerlarsimaffeqangitsut oqartussat innersuussutaannik malinninnissamut ajornakusoortitsisinnaapput. Taamaattumik ukununga tunngatillugu tapersersuigit:

- Akulikitsumik errortortarneq imaluunniit assanut bakteraaajaammik (håndsprit) atuisarneq
- Qaneq talimik asserlugu quersortarneq tangajortarnerlu
- Qitserarnaveersarneq, allanut tunillaassutaasinnaavoq



- Inoqatinut qanillattornaveersaarneq
- Eqqiaaneq silaannarissarnerlu eqqumaffigikkit
- Sumiiffiit inuppassuarnit qanimut katersuuffiusartut orninnaveersaakkit

## 2. Toqqissisimatitsigit

Innuttaasut angerlarsimaffeqanngitsut namminneq sumiiffissaqanngillat aamma inuttut allatulli tunuartersinnaanngillat oqartussallu angerlarsimanissamut innersuussutaannik malinnissinnaanatik.

Taamaattumik tunillatsissimasutut pasitsaassinermi innuttaasumut toqqissisimanartumik iliuuseqarfiginissaa anguniarlugu sulisunut ujartuisunut tatiginartumut attaveqaammik pilersitsinissaq pingaaruteqarpoq.

Qanimut sulisunut attaveqarsinnaanissaat namminnerlu inigisaminniinnissaat anguniarlugu ornittakkani angerlarsimaffeqanngitsunullu unnuisarfinni avatangiisimik toqqissisimanartumik pingaarutilimmillu innuttaasut akornanni qanillattuuffiunngitsumik pilersitsinissaq pingaaruteqarpoq.

Sulisutut ataatsimut isigalugu eqqissisimanikkut innuttaasullu eqqarsaataannik ernummassutaannillu tusarnaarnissamut piffissaqarnikkut ikiuisinnaavutit. Innuttaasooq pisoq nutaaq pillugu paasitiguk paasissutissanillu, assersuutigalugu nutaarsiassaqaqtitsivinnersunik aammalu oqartussaneersunik, soorlu inoqatinut attaveqaatini oqallifinneersuni il.il. paasissutissanik uppersarneqarsimanermikkut pitsaassutsimikkullu allanngorsinnaasunik nutserutikkik.

## 3. Isumatusaarit - qanillattornaveersaartitsigit

Ornittakkani angerlarsimaffeqanngitsunullu unnuisarfinni innuttaasut assersuutigalugu nerilerinnermimi amerlavallaannginnissaat imaluunniit ataatsimoortarfinni amerlasuujunnginnissaat qulakkeerpeqassaaq. Innuttaasut paarlattuanik allatut ataatsimoorfeqarnissaat, assersuutigalugu inoqatinut attaveqaatitigut attaveqaqatigiissinnaanissaat tapersersukkit.

Innuttaasut angerlarsimaffeqanngitsut amerlanerullutik ikinnerullutilluunniit katersuuttarput. Imminnut attaveqaqatigiittarput aqqusinerikkaangamillu kisimiinnginnermikkut toqqissisimanermik isumannaassusermillu misigisimasarlutik. Eqimattani ikinnerusarnissaasa innuttaasullu ataasiakkaat imminnut qanippallaannginnissaasa tapersersornissaat pingaaruteqarpoq.

## 4. Pivusorsiorit - nutserigit

Nutaarsiassat imaaginnavippu, taamaattumik paasissutissat ataasiakkaanut qanoq kinguneqarumaarnersut pillugit oqaluttuarit.

Paasissutissarpassuarnik erseqqissaanissat, nutserinissat immikkoortiterinissallu pingaaruteqarsinnaavoq, tassami pisoq innuttaasunut, ernummassutsiminnik allanut ingerlatitseqqiffissaqanngitsunut sakkortusinnaavoq ernumasitsisinnaallunilu.

(Danmarkimi isumaginninnermut aqutsisoqarfimmit isumassarsiat malillugit allanneqarpoq)